

3. 你看情形,注意自己同孩子。

4. 十八年九月八日,我同徐郁磷在观音阁陪刑的时候,是枪毙一个姓张的农民。

5. 十八年九月十六日我同朱鹤被枪毙。

祝你早日健康

民国十八年九月十六日上午十时你的张笠于乐平县政府礼堂临刑前一刹那。

(原件藏乐平县公安局)

乐平县立初级中学基金劝募委员会劝募启事

教育为百年之计,意义重在树人。国家遇多难之秋,庸民斯能复土,官绅同负职责,须适应时代之潮流。学校业具雏形,宜奠定永久之基石,事类望梅止渴,势难无米为炊,此乐平中学劝募基金所由亟亟也。

乐平民物康阜,山水幽清,代产英贤,脍炙人口。忠宣故里,址尚可寻,贵与楼前,基还能索,吊恭简于竹坞,访松坞于万山,如是文物之乡,复值动荡之世,曾无一中等学校,与子弟作津梁,为青年谋出路。历年莘莘学子,负笈无门,莽莽前尘,向隅饮泣。教育有责,咸想奚如!四邻均著先鞭,独我尚留后武,果能策动群力,何难收效桑榆。克勤纂兹三载,政未观成,爰筹备于客秋,幸规模之确定,成立乐平中学,此地方百年事也。

惟草创伊始,基金原属子虚;校训初期,经费立形支绌。门墙甫启,多士依依,竭蹶以从,点金乏术。虽特产捐足暂供取吸,而永久性究不克支持,所以组织乐平中学基金劝募委员会。

窃以翥峰秀峙,不少通人,慨解囊金;泊水迴环,宁无义士,襄兹盛举。行见晷纬昭应,川渎效灵,乍睹滥觞,俄倾而素波冲岸,才闻复篲,须臾而紫阜连云。捐款固可作储金,割亩亦收归义产,即系有价证券,均能集腋成裘。一朝建立鸿基,百世撑持学府,文化提高水准,乡邦作育新民。从兹满地春风,都是增加国力,子弟得所,何善举能拟于斯!挹注无穷,在后学均将拜赐。此启。

主任委员 彭克勤
 常务委员 汪汝恂 汪荷舫 李尚庸 叶永清 张汉城
 中华民国二十九年

(原件藏乐平县档案馆)

六、诗 歌

送乐平苗民府

(唐)司空曙

天际山多处,乐安山更深。
 绿田通竹里,白浪隔枫林。
 诗有江僧和,门惟越客寻。
 应将放鱼化,一一表仁心。

题饶娥庙

(宋)范仲淹

有唐孝女号饶娥,哭得亡亲上碧波。
 古渡清风明月夜,令人不忍听渔歌。